

Frants Torp Madsen  
Råstofdirektoratet  
Postboks 930  
3900 Nuuk Grønland

**"Avatangiisitigut Inuiaqatigiillu Aningaasarsiorneratigut Sunniutaasussat najugaqarfigalugit suliffissat pingasut sanaartornerinut, tassungalu atatillugu suliassanut missingersuinerit" pillugu DCE-p aamma GINR-ip oqaaseqaataa (9. december 2011)**

Misissueqqaarnissamut akuersissummut atatillugu 2012-imi suliassanut London Mining utaqqiisaasumik najugaqarfigiitigalugit suliffissanik pingasunik inisseerusunneq ilisimatitsissutigivaat; ataaseq Taseraarsuup kangerliumerngani, ataaseq Kugssuup avannaa-tungaani, ataaserlu Kugssuup kujataa- tungaani. Sanaartugassanut atortussat umiarsuarmik assartorneqassapput usingiaatinillu nunamukaatiterneqassallutik.

Najugaqarfigiitigalugit suliffissani tamani inuit 80-it missaannut inissaqassaaq, tassaassallutillu containerit 50-it missaat, taakkulu najugaqarfissatut, nerisaqarfissatut, perusuersarfissaqarfittut kiffartuussinermullu atortorissarutitigut atorneqartussaallutik. Kangerluup sineriaani inissiivissaliortoqarniarpoq, taamatullu kangerlummi najugaqarfissap eqqaani inissitsivissaliorniartoqarluni.

Suliassat siullit 2012-imi upernaakkut aallartissapput. Pilersaarutigineqarpoq containerit atortussaasa ilamininngui taakkununggalu atortussat Taseraarsuup kangerliumernganit Kugssuup ikaarfissaanut aputikkut aqqusinniornikkut assartorneqarumaartut.

Atortussat atortorissaarutillu avannaa-tungaanut assartornissaat siunertaralugu upernariarpat kuuk utaqqiisaasumik ikaartaarfiliorneqassaaq, taannalu ikaartaarfiliaagallartoq kuuk supitinnagu peerneqaqqissalluni. 2012-imi maj-ip juni-llu qaammataanni kangerluup eqqaani inissiaqarfik aqqusinniugallartussarlu aputikkut aqquq malillugu piareersarneqassaaq, taannalu kangerlummi inissiiviliarineqartuminngaanniit kuukkuk ikaarissap tungaanut inissinneqassalluni.

Nalunaarusiami taakkatorneqarsimasut maluginiarneqarput, tassaasut pilersaarutinut atatillugu pinngortitamut innarliisinnaasuni pingaernerit, tassunga ilaallutik nunataata nunallu naasuisa allangorsinnaanerit, ujaqqanik piiaanissat nunamillu piareersaanissat, tassungalu ilaallutik sioqqanit ujaqqanillu piianissat, asimi uumasunik akornusersuinissat - pingaarnerusumik tutut pineqarlutik - nunap naasuisa piianissaat, kiisalu ajutoorisaarnikkut uuliamik mingutsisisinnaanerit.

Massuma naqqani qinnuteqaammut immikkut oqaatigiumasat ilanngunneqarput, ima taaguuserlugu "Najugaqarfigiitigalugit suliffissat pingasut napparneqarnerinut, tassungalu atatillugu sularisassanut Pinngortitamut Inuiaallu Aningaasarsiornerannut Sunniutaasinnaasut Nalilersorneqarneri" (9. december 2011).

Nalunaarusiami oqaatigineqarpoq assartuinissamut aqqusinniassaq nammineerluni nunap naasuinit naaffigeqqinneqarumaartoq. Tassanili erseqqissartariaqarpoq aqqusiniassiaq pilersaarutaasup naammassinerata / taamaatinneqarnerata kingorna ukiorpassuarni (ukiuni qulikkaarani) ersiinnaassammat.

Aqqutissiat matuneqarnissaannut aningaasartuutissanut missingersuutini nunap naasuisa sukkanerusemik naasinnaanissaannut , aammalu nunataata allanngutsaaliornissaa siunertaralugu aqqutissiap piivinnissaanut iliuusissat ilanngunneqartariaqarput. Nalunaarusiami oqaatigineqarpoq assartuinissamut aqqutissialiassaq nammineerluni nunap naasuinit naaffigeqqinneqarumaartoq.

Asimi uumasut akornusersorneqarnissaat, pingaarnerusemik tuttu, aqqutissiassap sananeqarnerani annertunissaa ilimagineqarsinnaavoq, taamatullu ilimagineqarluni aqqusinniornerup nalaani tuttu tassuunaqqunnissaagaluarnerit allanngortillugu ungasinnerusemut nuussagaat.

Nalunaarusiami inerniliinermi oqaatigineqarpoq misissueqqaarnerit nalaanni inuit asimi sulinerat suliallu allat malunnaatillimik sunniuteqassasut, taamaattorli piffimmi isorartunngitsummi tuttu akornusersuisinnaassasut. Tuttu akornusersorniannngikkaanni periarfissat tassatuaapput suliffigisamut aqqutissap naleqqussarnissaa sulisullu nuuttarnissaat.

Tuttu pisuussutitut kalaallinit pingaartinneqarpoq, taamatullu innuttaasut akornanni aqqusinniornissami inuit sulinissaannut atatillugu tuttu sunniutigisinnaasaasa erngumatigineqarnera avammut oqaatigineqartarsimalluni.

Aqqusinniornerup nalaani akornusersuinerup annertussusissaa ilimagineqarpoq, uagullu ilimagaarput tuttu aqqusinniorfiup ungasissuatigut ingerlaniartarumaartut. Qanorpiarlu pisoqarnissaa malinnaaviginiarlugu tamassuma qanimut alaatsinaanneqarnissaa siunnersuutigerusupparput.

Tamatumani paasisat innuttaasunut uppersaartitut takutissinnaanissaat iluaqutaassaaq, siunissami sanaartornissanut pilersaarusiornerni aammalu siunissami ingerlanneqartussani suliaassanik annikillisaanerup nalilersorneqartarnissaata pisariaqaraangat.

Ujaraaqqat sioqqallu aqquataani piiaffinninngaanniit pissarsiarisinnaanissaat aqqusinniornermut atorniarneqarput, taamatullu ujaqqanik aserortiterutinik atuinissaq pilersaarutaalluni. Tamakku atortussatut pisariaqartut 200.000 m<sup>3</sup>-nik annertussuseqarnissaat naatsorsuutigineqarpoq.

Nunamut sunniutissai malunnaatillit pisinnaasut eqqarsaatigalugit tamanna annertuutut oqaatigineqarpoq. Oqaatigineqarpoq sioqqanik ujaraaqqanillu piiannissaannut pilersaarummi suliniuteqarnissaq sioqqullugu Aatsitassanut Ikummatissanullu Pisortaqaarfimmut nassiunneqarumaartut. Pilersaarusiarni tassani nunamut sunniutissaasa ilanngunneqarnissaat pingaaruteqarpoq.

Pilersaarummi tassani sumerpiaq pisoqarnissaa, atortussat piarneqartussat ingerlanneqartussallu annertunerpaaffissaat, kiisalu naggataatigut piiaffiit matunerisa kingorna nunataata manissarnissaa qanorpiaq immikkoortiterlugu nalunaarsornissaa immikkoortiterlugit nassuarneqarsapput.

Qinnuteqaammi oqaatigineqarpoq pilersaarutaasup ingerlanneqarnerata nalaani avatangiisinut nakkutilliisussamik najuuttoqarumaartoq. Avatangiisinut nakkutilliisussamut sukumiisumik maleruagassiornissaq akisussaaffigisassanillu allattueqqissarnissamik suliaqartoqarnissaq siunnersuutigerusupparput.

Ingerlanneqartussat pilersaarummilu immikkoortuni tamani uumasooqarfiit mianerisassat, uumasut naasullu nunami tamaani immikkuullarissut aammalu nunap naasui qaqutigoortut ilanngunneqarlutik allattorsimanissaat pingaaruteqarluinnarpoq. Taamatuttaaq siunnersuutigerusupparput aqqusinniornerup BMP/DCE/GINR-mit qanimut malinnaavigineqarnissaa, tamatumani avatangiisinut sunniutigisinnaasa annikinnerpaaffissaasa anguneqarsinnaanerit qulakkeerniarlugu.

Inussiarnersumik inuulluaqqusilluta

Kim Gustavson aamma Josephine Nymand